

Illoqarfinni annerusuni arfineq marluusuni ungasissumiit kiassarnikkut, innaallagissamillu kiassarnikkut ullumikkuminngarnit suli annerusumik atorluaanerulernissarput siunertaralugu, Naalakkersuisut suliniuteqaqqullugit peqquneqarnissaannik Inatsisartut aaliangiiffigisassaatur siunnersuut. Illoqarfiit pineqartut tassaapput Ilulissat, Qasigiannugit, Aasiaat, Sisimiut, Maniitsoq, Nuuk aamma Qaqortoq

Inatsisartunut ilaasortamit Peter Olsenimit, Inuit Ataqatigiit, saqqummiunneqartoq

aamma

Ulloq 1. januar 2018-imut qitiusumik kiassaateqarfinnut kissarsuuteqarfinnullu il.il. Namminersorlutik Oqartussanit toqqaannanngitsumik toqqaannartumilluunniit pigineqartunut tamanut piginnittuunerup, akisussaanerup, ingerlatsinerup aserfallatsaaliinerullu il.il. Nukissiorfinni ataatsimut katersorneqarnissaat pillugu Naalakkersuisut peqquneqarnissaannut Inatsisartut aalajangiiffigisassaattut siunnersuut

Inatsisartunut ilaasortamit Anders Olsenimit, Vivian Motzfeldtimit, Bendt B. Kristiansenimit, Villy Olsvigimit aamma Mala Høy Kúkomit saqqummiunneqartoq

pillugit

Sanaartornermut Ataatsimiititaliap

siunnersuutit aappassaaneerpeqarnerannut

ISUMALIUTISSIISUTAA

Sanaartornermut Ataatsimiititaliap suliarinninnermini ilaasortarai:
Inatsisartunut ilaasortaq Bendt B. Kristiansen, Inuit Ataqatigiit, siulittaasoq
Inatsisartunut ilaasortaq Jens-Erik Kirkegaard, Siumut, siulittaasup tullia
Inatsisartunut ilaasortaq Anders Olsen, Siumut
Inatsisartunut ilaasortaq Jess Svane, Siumut
Inatsisartunut ilaasortaq Villy Olsvig, Inuit Ataqatigiit

UPA 2017-ip nalaani ulloq 3. maj 2017-imi siullermeerinninnerup kingorna ataatsimiititaliap siunnersuutit misissorpai.

1. Siunnersuutit imarisaat siunertaallu

Qitiusumik kiassaateqarfiit kissarsuuteqarfiillu Nukissiorfimmumut ataatsimut katersorneqarnissaannut kiisalu illoqarfinni annerusuni arfineq marluusuni Ilulissani, Qasigiannuani, Aasianni, Sisimiuni, Maniitsumi, Nuummi Qaqortumilu ungasissumiit kiassarermik innaallagissamillu kiassarermik annertunerusumik atorluanerulernissamik suliniuteqarnissamut Naalakkersuisut peqquneqarnissaat siunnersuutini siunertarineqarpoq.

2. Siunnersuutit Inatsisartunit siullermeerneqarnerat

Naak siunnersuutit itigartinneqartussatut Naalakkersuisunit inassutigineqaraluartut Inatsisartunut ilaasortanit nalinginnaasumik taparserneqarput.

Inatsisartunut ilaasortat Nukissiuuteqarnermut Naalakkersuisumut arlalinnik apeqquteqarput. Tassunga atatillugu apeqqutigineqartunut allakkatigut akissummik Nukissiuuteqarnermut Naalakkersuisoq nassiussiumavoq (Ilanngussaq 1). Apeqqutit Naalakkersuisullu akissutaat UPA 2017/47-mut tunngapput.

Siamasissumik oqallittoqarpoq ilaatigullu kiassarermik atuinerup inissiallu pitsaassusiisa ataqaatiginnerat apeqquteqarfigineqarluni.

3. Ataatsimiititaliap siunnersuutini suliarinninera

Siullermeerinninnermi apeqqutinut Naalakkersuisut akissutaat ataatsimiititaliamit misissorneqarpoq.

Inuiaqatigiinni aningaasaliinerit imminut akilersinnaassusiat nukissiuuteqarnermi atuisunut akigitit appasinnissaannik piumasaaqatitut ilaatigut naapertuutinningsillugu nunatsinni nukissiornerup nukissiuutini ataavartunik 90 %-imik atuinikkut ingerlalnissaanik naalakkersuinikkut anguniakkat malinnissaasa Nukissiorfimmumut unammillernarsinnaanerit apeqqutini qulequtarineqarpoq.

Tamanna tunngavigalugu akissutit ataatsimiititaliamit suliarineqarput. Aningaasartuutit, imminut akilersinnaassuseq, nalikilliliinerit, piffissat akilersuiffiit il.il. pillugit nalornissutaasut ilaat aalajangersimasumik kisitsisitalersorneqarsimasut ataatsimiititaliap iluarisimaarlugu maluginiarpa.

Ataatsimiititaliap siuliani oqaatigisaatut siunnersuutit tapersorsorluarneqarput. Naalakkersuisut aappasaaneerinninnissaq sioqqullugu ataatsimiititaliamut ilassutitut paasissutissiippat (Ilanngussaq 2). Paasissutissat nutaajunngimmata ataatsimiititaliamit oqaatigineqassaaq, allakkanili taaneqartuni Naalakkersuisunit oqaatigineqarpoq qitiusumik kiassaateqarfiit kissarsuuteqarfiillu Nukissiorfimmumut ataatsimut katersorneqarnissaannut

atatillugu nalornissutinik arlalinnik suli peqartoq erseqqinnerusumik qulaajarneqartariaqartunik.

Qitiusumik kiassaateqarfinnut kissarsuuteqarfinnullu pineqartunut akisussaaffik ingerlatsisumut, immikkoortortanik taamaattunik ingerlatsinermut aserfallatsaaliinermullu immikkut ilisimasaqarnerpaamut kiisalu minnerunngitsumik immikkoortortanut piusunut ataqatigiissillugu immikkoortortanik pineqartunik ingerlatsinermik pitsanngorsaasinnaanerpaasumut piaarnerpaamik tunniunneqartariaqartoq tunngaviusumik isigalugu ataatsimiititaliaq isumaqarpoq; ingerlatsisoq taanna tassaasoq Nukissiorfiit. Qitiusumik kiassaateqarfiit kissarsuuteqarfiillu ataatsimut katersorniarlugit Naalakkersuisut Nukissiorfiillu namminneq suliniuteqarsimanissaat ataatsimiititaliamit kissaatiginartinneqaraluarpoq, taamatummi katersorneqarnissaanik kiassaateqarneq nutaajunngimmat.

Qulaajaaqqinnissap pisariaqartinneqarneranik Naalakkersuisut paasissutissiinerat ataatsimiititaliamit tusaatissatut tiguneqarpoq, tassungali atatillugu isumaqarluni nalornissutaasut sinneruttut – nalornissutaasut Namminersorlutik Oqartussat namminneq suliffeqarfiutaasa namminersortitat akornanni ataqatigiissaarinnginnermik pingaarnertut tunngaveqarsorinartut - ukiup nikinnerata 2017/18-ip tungaanut Naalakkersuisunit qulaajarneqarsinnaasariaqartut. Taamaattumillu qitiusumik kiassaateqarfiit kissarsuuteqarfiillu pillugit siunnersuutip (UPA 2017/183) akuerineqarnissaata inassutiginnissaa ataatsimiititaliamit ajornartorsiutissartaqartutut isigineqanngilaq.

Tassunga atatillugu innaallagissamik ungasianillu kiassaanermik atorluanerunissamik aalajangiiffigisassatut siunnersuutikkut (UPA 2017/47) anguniarneqartut kiassaateqarfiit kissarsuuteqarfiillu ataatsimoortillugit Nukissiorfimmuut katersornerisigut (UPA 2017/183) ilaatigut anguneqarsinnaasutut ataatsimiititaliaq isumaqarpoq. UPA 2017/47 pillugu Naalakkersuisut akissutaat ataatsimiititaliamit tusaatissatut tiguneqarput, immikkoortulli ataatsimut isigineqarnissaat toqqarlugu, tamannalu ima paasineqassalluni kiassaateqarfiit kissarsuuteqarfiillu ataatsimoortinneqarnerisa pitsaaqutissartai “ungasissumiit kiassarnerup innaallagissamillu kiassarnerup” ungasinnerusoq isigalugu atorluarneqarnerulernerannik kinguneqassasut.

4. A/S INI-p ilisimatitsiffiusumik ataatsimeeqatiginera

Siullermeerinninnermi oqaaseqartartunit oqaatigineqartut tunngavigalugit kiassarnermut akit ineqarnermullu akit ataqatigiinnerat annertunerusumik paasisaqarfigiumallugu aalajangiiffigisassatut siunnersuutit sularinerannut atatillugu Sanaartornermut Ataatsimiititaliap A/S INI ataatsimeeqatigaa.

Tassunga atatillugu pingaartumik ineqarnermut akiliutit appasinnerisa nassatarisaanik inissianik aserfallatsaaliuinerlunnerup imminnut ataqatigiissinnaanerat; kiisalu inissiat aserfallatsaalinerlunneqarnerisa kiassarnermullu akiligassat qaffasinnerisa imminnut ataqatigiinnerat ataatsimiititaliamit maluginiarneqarpoq. Tamanna tunngavigalugu ineqarnermut akiliutit appasinnerisa kiassarnermullu akiligassat qaffasinnerisa imminnut ataqatigiinnerat piviusuusoq ataatsimiititaliaq isumaqarpoq.

Tassunga atatillugu ataatsimiititaliamit aamma paasineqarpoq inissiani attartortittakkani ineqarnermut tapiissutit pillugit inatsit atuuttoq naapertorlugu attartortut isertitakinnerpaat ineqarnermut akiliut qaffanneqaraluarpat ineqarnermut akiliutaat qaffassanngitsoq imaluunniit annikitsuinnarmik qaffassasoq. Attartortulli taakkorpiaat kiassarnermut akiligassaminnut tamakkiisumik sipaaruteqassapput. Taamaalillunilu inissiap attartukkap *nukissiuutitigut pitsanngorsarneqarnissaa siunertaralugu* ineqarnermut akiliutip qaffanneqarnera inuiaqatigiinni piitsuunerpaanut ilanngaattissat ilanngaatigereerlugit pitsaasumik kinguneqassaaq. Akerlianilli inissiat paarinerlutat taarsernagit nalinginnaasumik attartortittagassatut inissialiordermi ineqarnermut akiliutit akikillineqarnissaannik siunnersuuteqarnikkut ajornartorsiut aaqinneqarnaviangilaq – ajornartorsiut akerlianik alligaluttuinnassaaq.

Tamanna aalajangiiffigisassatut siunnersuutip matuma avataaniittoq ataatsimiititaliap ilisimavaa, isumaqarlunilu inuiaqatigiit ineriartornerannut ima pingaaruteqartigisoq Inatsisartunut oqaatigineqartariaqarluni. Tamanna ataatsimiititaliamit kingusinnerusukku uterfigineqalersaarpoq.

5. Siunnersuutit aningaasaqarnikkut kingunissaat

Aalajangiiffigisassatut siunnersuutip piviusunngortinneqarnerani aningaasaqarnikkut kingunerisassai siunnersuummut tunngavilersuummi allaaserineqassasut Inatsisartut suleriaasianni § 33, imm. 1-imi allassimavoq.

Tamanna naapertorlugu siunnersuutit piviusunngortinneqarneranni aningaasaqarnikkut kingunerisassat siunnersuutini nalunaarneqartut Sanaartornermut Ataatsimiititaliamit maluginiarneqarpoq, taamaalillunilu Nukissiorfiit sullitaasa ungasianit kiassarnermut innaallagissamullu aqputinut atanilerneqarnerat 100 mio. DKK-t tikillugit akeqassalluni, taakkunanga 80 %-it sullitanit nammineq akilerneqassallutik 20 %-illu Nukissiorfinnut aningaasaliissutinit tiguneqassallutik kiisalu qitiusumik kiassaateqarfiit kissarsuuteqarfiillu Nukissiorfimmu ataatsimut katersorneqarnissaat aningaasaliissutaareersut iluanni piviusunngortinneqarsinnaavoq.

Qasigiannuanili Maniitsumilu ungasianit kiassarnermut innaallagissamullu aqputinut

ataniliinissap qanoq akeqarnissaanik naatsorsuinerit suli naammassineqanngillat, erseqqissarneqartariaqarlunili illoqarfinni pineqartuni nukik atorneqanngitsoq sinneruttoq annikimmat, tak. § 37 naapertorlugu apeqqu nr. 2017/087.

Ungasianit kiassarnermut innaallagissamullu aqputinut ataniliinissaq ukiut tallimat inorlugit qaangiunneranni imminut akilereersimassaaq. Tamanna innaallagissap kiaallu atorluarneqanngitsup tunineqarsinnaaneranut kiisalu inuiaqatigiit aningaasaqarnerata pitsanngoriarneranut atatillugu isigineqassaaq.

6. UPA 2017/47 pillugu ataatsimiititaliap inassuteqaatai:

Ataatsimiititaliap **isumaqatigiittup** siunnersuut **akuerineqassasoq** inassutigaa.

7. UPA 2017/183 pillugu ataatsimiititaliap inassuteqaatai:

Ataatsimiititaliap **isumaqatigiittup** siunnersuut **akuerineqassasoq** inassutigaa.


Taama oqaaseqarluni isumaliutissiisummilu allassimasutut paasinnilluni Sanaartornermut Ataatsimiititaliap siunnersuutit aappasaaniigassanngortippai.



Bendt B. Kristiansen,
Siulittaasoq



Jens-Erik Kirkegaard,
Siulittaasup tullia



Anders Olsen

For


Jess Svane



Villy Olsvig



Ilanngussaag Bilag 1

Inatsisartut Sanaartornermut Ataatsimiititaliaat

Manna aqqutigalugu nassiussaq:

UPA2017/47/183-ip siullermeerneqarnerani apeqqutinut akissutit

11-05-2017
Sags nr. 2017 - 8664

Ungasissumiit kiassarnikkut innaallagissamillu kiassarnikkut atorluanerulernissaq ,
aamma kiassaateqarfinnik Nukissiorfinnut tunniussinissaq pillugit UPA2017-imi imm.
47-p aamma 183-ip siullermeerneqarnerini arlalinnik apeqquteqartoqarpoq.
Akissutinut ataaniittunut Nukissiorfiit ilanngussaqrput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Sisimiuni kiassarermik pilersuinermet erngullu nukinga iluaqutigalugu
nukissiorfimmut Inatsisartunut ilaasortaq Villy Olsvig (IA) imatut apeqqutillivoq:

"Ilaatigummi paasinarimat kallerup inneranik aallaveqartumik kiassartut maanna
orsussamik aallaveqarlutik kiassalernikoorpasimmata, tamanna soorunalimi arlaannik
pissuteqarsimassaaq, sukumiinerusumillu misissuiffigineqartariaqalersorinarluni,
aammalu qanoq alloriaqqittoqarniarnersoq paaserusunnarsilluni, makkulu
paaserusunneqarsinnaasutut taaneqarsinnaagunarput:

- Tatsip immernerminik kallerup inniliorsinnaanermi tunniussinnaasaa
killeqalersimanerpa?
- Ukiunerani apummit aammalumi aasaanerani sialoqanngittarnerujussuanik
tatsip imakilliarneranik aallaaveqarnerpa?
- Periarfissaqarnerpa tatsimiit kuuttinneqartup kingumut atortorissaarutit il. II.
aqqusaareernerisigut tatsimut utertinneqarsinnaasarnissaa.
- Kallerup inneranik aallaveqarlutik kiassarsimasuugaluit maannali orsussamik
(gasolie)-mik aallaaveqarlutik immikkut aningaasartuuteqarsimalersut
arlaatigut qanoq iliuseqarfigisinnaanannut?"

Apeqqutit tulliuuttumi akineqarput.

Sisimiuni erngup nukinganik nukissiorfimmit tunisassiat

Sisimiuni erngup nukinganik nukissiorfiup illoqarfimmi innaallagissamik
pisariaqartitsineq tamakkiisoq pilersuiffigisinnaavaa. Erngup nukinga sinnilimmik
pigineqaleraangat aamma kiassarermut atugaasarpoq. Taamaalilluni erngup
nukinganik nukissiorfiup sapinngisamik pitsaanerpaamik atuinera qularnaarneqassaaq.
Sumiiffimmi erngup nukinganik nukissiornermissamut piukkunnaat, tassalu erngup
nukinganik nukissiorfiliap erngup annertussusaa ajoraluartumik Sisimiuni nukissamik
pisariaqartitsinermik tamarmiisumik pilersugaqarnissamut naammangilaq.

Taamaattumik erngup nukinganik nukissiorfiup tamakkiisumik kiassarnermik pisariaqartitsineramik pilersugaqartuunissaa anguniagaanngisaannarsimavoq.

Erngup nukinganik nukissiorfiliorneq sioqqullugu ukiorpassuarni imeqarnermut tunngasunik uuttortaasoqartarsimavoq. Paasissutissat taakku aallaavigalugit ukiumoortumik agguaqatigiissillugu tunisassiassatut naatsorsuutigisassaq tassaavoq 56,6 GWh. Imeqarnermut tunngasunik uuttortaanerit naammassiat ukiumit ukiumut ilippanaatilimmit kuuttoqarnerani annertuumik assigiinngiaassutsit takutissimavaat, appasinnerpaalluni 41 GWh missaat, aamma 72 GWh annertunerpaalluni. Taama assigiinngiaartigisumik nukissiornermik piukkunnaammik atugaqarsinnaaniarluni innaallagissamik kiassarneq qaminneqarsinnaasoq atugaalersitaavoq. Ukiuni annertuumik kuuttoqarfiusuni/siallerfiusuni annertuumik qaminneqarsinnaasumik innaallagissamik kiassarneq, uuliamik tunngaveqartut kiassarnermik taarsiisoq tunisassiarineqartarpoq. Ukiunilu annikitsumik kuuttoqarfiusuni/siallerfiusuni taamatut annikissusilikkamik qaminneqarsinnaasumik innaallagissamik kiassarneq tunisassiarineqartarluni. Taamaalillutik pisisartorpassuit, assigiinngiaartumik kiassarnernermik tunitiviusinnaasut ukiumi annertuumik siallerfiusuni nukissiornikkut ilippanaatillip tamarmiusup atugarisinaanera qulakkeerpaa, ukiunili annikitsumik siallerfiusuni erngup nukissiornermit pilersugaqarneq annikillisikkiartorneqartarluni.

Sumiiffimmi atussallugit tulluurtussanik erngup nukinganik nukissiornermik annertuumik ilippanaatilinnik allanik peqanngilaq. Taamaattumik erngup nukinganut assersuutigalugu anorimit nukissiorneq atornerqarsinnaanersoq Nukissiorfiit misissugaralugu ingerlappaat.

Imermik utertitsisarfik iluarsisutitut

Erngup nukinganik nukissiorfinni nunat allaniittut ilaanni imeq erngup nukinganik nukissiorfiup turbiiniit ingerlasoq atoqqinniarlugu katersorneqarluni imermik katersivimmuut pumperneqartarnera atugaavoq. Tamannali pumpinut erngullu aqqutaannut sanaartornissamut aningaasartuuterpassuaqarfiuvoq. Tamatuma saniatigut ingerlatitaq nukissiornermik annertuumik annaasaqarfiuvoq, taamaattumillu sinneqartoorfittut piginnaasaqarnermik annertuumik, assersuutigalugu ataavartunik nukissiorfinnik allanik piffissap ilaani peqarfiusuni sumiiffinni tulluurtuunerussalluni. Sisimiuni erngup nukinganik nukissiorfik aamma tasermit tarajoqanngitsumit kangerlummut kuutsitaqarmat tatsimut erngup tarajullip uterteqqinnissaa avatangiisinut tunngasunik kinguneqassaaq. Sisimiuni tamanna iluarsisut tulluurtuussanngitsoq Nukissiorfiit nalilerpaat.

Innaallagissamut kiassarneq qaminneqarsinnaasoq kiassaatiillu allat

Oqaatigineqartutut Sisimiuni innaallagissamut kiassarnermut erngup nukinga atornerqartarpoq – ungasissumit kiassarnermut aqqutitigut pisisartunut siammarterneqartartunit Nukissiorfiit qitiusumik kiassaateqarfiini tunisassiornikkut, imaluunniit pisisartuni ataasiakkaani qaminneqarsinnaasumik innaallagissamik

kiassarneqartuni ingerlatsivinni ataasiakkaani tunisassiornikkut. Pisisartut taakku ilaat tassaapput annertunerusumik kiassarnermik atuisartut, soorlu pisortani suliffeqarfiit – atuarfik, timersortarfik assigisaallu. Aamma Sisimiuni ungasissumit kiassarnermut eqqakkanik ikualaasarfimmit kiak sinneruttoq atorneqartarpoq. Kiassarnermik tunisassiorfittut ingerlatsivinnik tamanik pitsaanagerusumik atuisinnaaniarluni illoqarfimmi ungasissumit kiassarnermik ingerlatsiviit immikkoortut pingasut Nukissiorfiit maannakkut attavilersorpai, ilaavorlu eqqakkanit kiassarneq.

Kiassarnermik pisariaqartitsinermik pilersuinissamut erngup nukinganit nukissiorfimmit eqqakkanillu kiassarnermit tunisassiornerit naammaneq ajormata kiassaateqarfimmit qitiusunit ungasissumik kiassarneq piffissap ilaani uuliamik tunngaveqartillugu Nukissiorfiit tunisassiarisarpaat. Ungasissumit kiassarnermik pisisartunut assigiinngisitsinani Nukissiorfiit ungasissumit kiassarnermut nukissiorfinnik taarseraattunik atugaqarsinnaapput (erngup nukinga, uulia imaluunniit eqqakkanit kiassarneq).

Tamatuma saniatigut piffissap ilaani pisisartut angisuut qaminneqarsinnaasumik innaallagissamik kiassarnerup ikillugulu qamitsivigisarlugit Nukissiorfiit kiassarnermik pilersuineq naleqqussartarpaa. Tamanna nalinginnaasumik imminerminik pisarpoq, aammalu erngup nukinganik nukissiorfiup qanoq annertutigisumik tunisassiarisinnaasaa malillugu iluarsineqarsimalluni. Tamanna tassaavoq qaminneqarsinnaasumik innaallagissamik kiassarneq pillugu isumaqatigiissutip ilaa, erngullu nukingata sapinngisamik pitsaanerpaamik atugaanissaata qulakkeernissaanut peqataavoq.

Pisisartut qaminneqarsinnaasumik innaallagissamik kiassarneq kissaatigigunikku tamanna pillugu Nukissiorfinnut qinnuteqassapput. Pisut ilaanni Nukissiorfiit qinnuteqaat akuerisinnaasannigilaat, tamatumunnga erngup nukinganik tunisassiornerup annikippallaarnera pissutigalugu, imaluunniit atussallugu tulluarnerusussamik imermik tunngaveqartumik ungasissumit kiassaateqarfiusumi pisisartuq najugaqarmat.

Kiassarnermik pisisartunut aningaasaqarnikkut kingunerisinnaasat

Erngup nukinganik, uuliamit imaluunniit eqqakkanik tunisassiarinera apeqqutaatinnagu ungasissumit kiassarnermik pisisartunut kiassarnermut akigititaq assigiippoq. Tamatumunnga patsisaavoq nunami tamarmi kiassarnermut akip ataasiinnaap akiliutaasarnera. Taamaalilluni Nukissiorfiit ungasissumit kiassarnermik tunisassiornermut erngup nukinganik aamma uuliamik atuisarnerup paarlaassuisarnera kiassarnermik pisisartunut aningaasaqarnikkut kinguneqarneq ajorpoq.

Tamatumani pineqaratik qaminneqarsinnaasumik innaallagissamik kiassarnermik pisisartut kiassarnermik pisisartut sinnerinut naleqqiullutik appasinnerulaartumik kiassarnermut akiliisarput. Tamatumunnga patsisaavoq kiassarnermik

pisariaqartitsinermik pilersugaqarnissamut innaallagissamik pilersuineq naammangikkaangat pisisartut kiassaateqarfiannut Nukissiorfiit innaallagissamik pilersuineramik qamitsisinnaaneranut taarsiivigineqartarnerat, taamaattumillu pisisartuq kissarsuummik uuliatortumik sillimmatigisassaminik peqartariaqarnera.

Kiaap sinneranik atuineq

Immikkoortut UPA 2017/47-mik aamma UPA 2017/183-mik siullermeerneqarnerani kiaap sinneranik atuinnermut tunngatillugu pissutsit makku eqqartorneqarput:

- Ukiut tamaasa kiaap sinneranut atorineqanngitsumut koruunit 39 mio. asuliinnartinneqartartut Anthon Frederiksenip (Partii Naleraq) oqaatigaa.
- Qaanaami iluarsiissut atorineqartoq aamma sumiiffinni allani atorineqassasoq siunnersuutigineqarpoq.
- Nukissap, uulia atorlugu nukissiarisap taamaallaat 40 %-erisaa atorineqartoq imm. 47-mik siunnersuuteqartup Peter Olsenip (IA) oqaatigaa.

Akissutini tulliuuttuni aamma 2015-imi aasakkut § 37-mik tunngaveqartunut apeqqutinut akissutinullu ilanngussaasut innersuussutaapput.

Kiaap sinneranik atorineqanngitsumik nalilersuineq

Pisisartunit piumaneqartunik sarfamik naammattumik Nukissiorfiit taamaallaat tunisassiaqartarput. Tamanna erngup nukinga atorlugu pinngikkuni dieseluuliamik ikummateqarnikkut pisarpoq. Nukissiorfiit innaallagissiorfiini dieselimik ingerlatilinni sarfaliormermit uulia annaaneqarneq ajorpoq.

Sarfaq nukissiorfinni dieselitortuni tunisassiarineqaraangat uuliap sarfangortinnerani aamma kiammik pinngortoqartarnera piuartartussaavoq. Pingaarnertut oqaatigineqartarpoq uuliami nukissap imarisaata 40 %-iata missaa innaallagissiorfinni sarfangortinneqarsinnaasartuq. Isumaqqarpoq atuisinnaassutsip annertussusaa 40 %-iusoq. Paarlattuanik uuliami nukissap pilersinnaasup ilarujussua kiannguuttarpoq.

Innaallagissamik tunisassiornermi kiak tassaavoq assupilussuaq iluaqutaasutut saniatigut tunisassiarisaaq. Pisoqarfiit ilaanni kiammik tassannga iluaqusersortoqarsinnaavoq, taamaalilluni uuliamit atukkamit ilassutaasumik iluanaaruteqartoqarluni. Kiassarnerup sinnera ungasissumit kiassarnermut atugarineratigut uuliami nukissamik pilersinnaasumik suli annertunerusumik iluaqutissarsisoqarsinnaavoq. Taamaalilluni atuisinnaanerup annertussusia 80 %-it missaannut annertusisinneqarsinnaavoq. Uuliami nukissaqarfiusumit 100 %-imik atuisoqarsinnaanngisaannartoqassaaq, atortussiaq allamut allangortinneqaraangat ikummatissami nukiusup ilaanik tamatigut annaasaqartoqartarnera pissutigalugu.

Innaallagissamik tunisassiorfimmu atattillugu kiassarnermik pissarseqqiffittut ingerlatsiviliorneq akisuvoq, soorlulusooq atuisartunut kiassarnermik agguataarinialluni ungasissumit kiassarnermut aqqusiortoqartariaqassalluni. Tamanna

ingammik atuuppoq kiassarnermik pisisartut assut siammartiterlutik imaluunniit innaallagissiorfimmit ungasillutik inississorsimappata. Taamaattumik ataqatigiiffinni tamani inuiaqatigiinnut atuisartunullu innaallagissamik tunisassiornermit kiassarnerup sinneruttup tamarmiusup atornissaa tulluartuussanngilaq, tamanna aningaasaqarnikkut iluanaarutaanani artukkiissutaaginnaertussaamat. Ungasissumit kiassarnermik tunisassiornermi aningaasartuutinik tamanna annertusaassaaq.

Innaallagissiorfimmit dieselitortumi kiaap sinneranik atuinissamut ingerlatsiviliornerup nassataara innaallagissiorfinni kiammik immikkoortitsissutit (immikkoortoq assersuutigalugu putsup gassianit aallaaveqartumik kissarniliortoq), nutaamik aqutsisarfiit, pumpit, akkumuleringstankit aamma imermik suliaqartarfiit ivertiternissaat. Tamakku saniatigut innaallagissiorfimmit atuisartunut ungasissumit kiassaasarfimmut attavilerneqartussanut ungasissumit kiaap aqqutai pilersuutaassapput. Tamatumunnga aningaasartuutit assut assigiinngiiaarput, apeqqutaallutik ungasissumit kiassaasarfearfiup annertussusia takissusialu, aammalu atuisartut attavilerneqartussat amerlassusaat.

Taamaalilluni ungasissumit kiassarnermut suliniut Nukissiorfiup misilittagai malillugit ataani nalunaarsukkatut minnerpaamik akeqartussanut makkununnga aningaasartuuteqarfiupput:

- Ungasissumit kiaap aqqutai. Meterikkaanut koruunit 6.000 - 12.000, apeqqutaalluni aqqutit matoorunneqarsimanersut nunalluunniit qaaniissanersut.
- Innaallagissiorfinni ivertitikkat nutaat: Minnerpaamik 500.000 kr.-nik akeqassapput.
- Ungasissumit kiassarnermut innaallagissiorfinni aqutsisarfik nutaaq: Minnerpaamik 500.000 kr.-nik akeqassapput.
- Sulisartuusunik pikkorissartitsineq: Assigiinngiiaarpoq, nalingalu inissikkuminaalluni.
- Atuisartunut ataasiakkaanut ivertiterinermut aningaasartuutissatut naatsorsuutigisaq: 50.000 kr.
- Ilanngutissapput sanaartornermik suliniutip piviusunngortippiarneranut aningaasartuutit.

Sumiiffinni ataasiakkaani kiassarnermit sinneruttumik atuinissamik aningaasartuutit Nukissiorfiit nalilersortuarneri ingerlatarei, aammalu akilersinnaasassappata ungasissumit kiassarnermik pilersuinissamut suliniutit nutaat pilersittarlugit. Nukissiorfiit ukiut 25-t akiliutit uterteqqinnissaannut atugaassasut naatsorsuutigaaq.

Siullermeerinninnermi koruunit 39 mio. taaneqartut 2015-imi Anthon Frederiksenimit (Partii Naleraq) § 37-mut tunngasutut apeqqutip akissuteqarfigineranit ilanngussamit tigusaavoq. 90 mio. kr. naatsorsornerinut tunngaviusoq tassaavoq diesel-uuliamut

literikkaamut uuliap akia 6,20 kr., aamma kissarsuummi uuliatortumi atuisinnaassuseq 90 %.

Ukiut tamaasa kiassarnermik atuisartut kaasarfiinit aaneqarlutillu annaaneqartartut koruunit 39 mio. pineqanngillat, imaluunniit piviusutut Nukissiorfinnut isertitassatut annaasaq 39 mio. kr.-tut ittoq.

Taamaallaat pineqartoq tassaavoq isumaliutersuutigalugu atorineqarsinnaasoq sinneqartoorutaasumik kiassarnerup nalilersorneqarnera, ullumikkulli sanaartornermut aningaasartuutit qaffasissupilussuit pissutigalugit piviusunngunngitsoq. Isumaqqarpoq akissuteqaammi isumaliutersuutigalugu periarfissaq misissorneqartoq, ullumikkut taamaallaat sarfamik pilersuisunik dieselitortunik kiassaateqarfeqartut tamarmik aamma kiassarnermik atuisinnaanerat.

Nunaqqarfik Kangerluk assersuutigineqarsinnaavoq. Nunaqqarfimmi imaaliiallaannaq illoqqarpoq pingasunik namminneq kiammik pilersugarinerannut ilassutitut innaallagissiorfimmit ungasissumit kiassarnermik pilersugaalersillugit attavilerneqarsinnaasut. Pineqartu tassaapput KNI, atuarfik aamma oqaluffik. Taakku innaallagissiorfimmit 75 meterit iluanni inissisimapput, sarfaliornermillu kiaap sinneranik annertuumik tigusisinnaanissaat naatsorsuutigisariaqarlutik.

Suliniummot taama ittumut Nukissiorfiit naatsorsuutigisatut sanaartornissamut aningaasartuutai 2,4 mio. kr. missaannut missiliuutaapput. Innaallagissiorfimmit kiak sinneruttoq pissarsiarineqarsinnaasoq ukiumoortumik 500 MWh-inut missiliuutaavoq. Taamaattorli illut taakku pingasut kiak pissarsiarineqarsinnaasoq tamaat tigusinnaassagaat naatsorsuutigissallugu piviusorpalaanngilaq. Kiaap 75 %-iata tiguneqarnera, 375 MWh-iusoq, naatsorsuutigineqassappat tamanna Nukissiorfinnut isertitassanut tunngatillugu 266.250 kr.-nut naatsorsorneqarsinnaavoq (375 x 710 kr MWh-ikkaanut (kiassaaneq qaminneqarsinnaasoq)). Agguataaraluni aallaavigisatut iluanaarut $375 \times (710 - 517)$ (2015-imit agguaqatigiissillugit immikkoortumut aningaasartuutit) = 72.375 kr. ukiukkaanut naatsorsuutigissagaanni, aningaasaliissummut tamarmiusumut akiliutip uterteqqinnissaa naatsorsorlugu, pisariillisititut akiliutip utertinnissaanut (erniat akilersorneri ilanngunnagit) ukiut 33 inernilissutaassaaq.

Innaallagissiorfimmut ungasippallaaratik illut inissisimagaluartut suliniutip piviusunngortinnissaa imaaliiallaannaq iluaqutaanaviannngilaq. Kiammik atuisartut, kiaap sinneranik tigusisuusinnaasut aamma namminneq attaviligaanissaminnut aningaasartuuteqartussaanerat aamma maluginiartariaqarpoq. Kiammik atuisartut ungasissumit kiassarnermut Nukissiorfiit pinngitsaalisinnaanngilai, taamaallaalli ungasissumit kiammik pilersuinerup pissarsiarineqarsinnaanera isumagissallugu. Taamaattumik pisortat ungasissumit kiassaasarfianut akilersinnaanera, imaluunniit nammineq kissarsuutertik uuliatortoq akilersinnaanerunersoq kiammik tigusisuusinnaasut namminneq nalilersortariaqarpaat. Ilisimaneqartutut uuliap akianut naleqqiullugit Nukissiorfiit kiammut akigititai aalajangerneqartarput, taamaattumillu

nammineq kissarsuummit uuliatortumik kissartuliornerup qanoq akeqarneranut naleqqillugu Nukissiorfiit akigititai appasinnerusariaqanngillat.

Qaanaami kiassarnerup sinneranik atuineq

Qaanaami innaallagissamik tunisassiornermit kiak sinneruttoq immikkut illuinnartumik atorneqartarpoq. Ungasissumit kiassarnerinnarmut atorneqanngilaq, ukiumili piffissap ilaani imermut imigassamut sermimik aatsitsinermut atorneqartarluni. Nassataraa Kalaallit Nunaanni illoqarfinnut nunaqarfinnut allanut amerlanerpaanut naleqqiulluni kiassarnerup sinnera Qaanaami sunniuteqarluarnerusumik atoneqarsinnaanera.

Illoqarfinnut imaluunniit nunaqarfinnut allanut Qaanaami atorneqartutut iluarsiiisutip assilinissaa pisariaqaraniluunniit tulluurtuunngilaq. Tamatumunnga patsisaasoq tassaavoq sermimik katersillunilu aatsitsinermut periutsip assut aningaasartuuteqarfiunera, aammalu nunami sumiiffinni allani imermik pilersuineranut periutsimik atuinissaminut Nukissiorfiit piffissami matumani pisariaqartitsinnginnerat.

Aamma Qaanaap ilaanut illoqarfimmik pilersaaruserneq siusissupilussuakkut imatut issimanera pisisartut ilarujussuinik ungasissumit kiassarnermik pilersugarinissaat pisariunngitsuusimanera oqaatigineqassaaq. Taamaattumik sumiiffinni mikinerusuni allani arlalippassuarni ungasissumit kiassaasernertulli taama akisutiginnilaq.

Kiassarnerup sinneranik atuinissamut suliarisat nutaat

Nunami sumiiffinni arlalinni ungasissumit kiassarnermik qaminneqarsinnaasutullu innaallagissamik kiassarnermik annertunerusumik atuinissamut piukkunnaateqartoqarpoq, taamaattorli siullermeerinninnermi taaneqartumut naleqqiullugu annikinnerusumik annertussuseqartumik. 2017-imi Peter Olsenimit (IA) § 37 tunngavigalugu apeqqummut akissummi takuneqarsinnaasutut Nukissiorfiit ungasissumit kiassarnermi innaallagissamik tunisassiornermit kiassarnerup sinneranik, aammalu innaallagissamik kiassarnermik tunisassiornermut erngup nukissiorfinit piginnaasamik atoneqarsinnaasumik atugaqarnissamut Nukissiorfiit sammisaqartuupput. Kiassarneq tamanna namminerisamik uuliamik tunngaveqartumik kiassarneq taarsersinnaavaa.

Suliniutini taama ittuni iluanaarutaasoq ungasissumit kiassaateqarfiliornernut il.il. aningaasartuutit qaangeraangatigut oqaatigineqartutut suliniutit taamaallaat piviusunngortinneqartarput.

Inussiarnersumik inuulluaqqusillunga


Hans Enoksen

Ilanngussat:

1. Anthon Frederiksenimit, Partii Naleraq, § 37-apeqqut 2015_210
2. Anthon Frederiksenimit, Partii Naleraq, § 37-apeqqummut 2015_210-mut akissut
3. Peter Olsenimit, IA, § 37-apeqqut 2017_35
4. Peter Olsenimit, IA, § 37-apeqqummut 2017_35-mut akissut
5. Peter Olsenimit, IA, § 37-apeqqut 2017_87
6. Peter Olsenimit, IA, § 37-apeqqummut 2017_87-imut akissut



partii naleraq

Ilulissat ulloq 12. august 2015.

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqquut imaattoq saqqummiuppara.

(inatsisartunut ilaasorta, Anthon Frederiksen, Partii Naleraq)

Naalakkersuisunut apeqquut:

1. Nukissiorfinni olie-mik atuiffiunerusuni kiaap sipporuttup atorreqanngitsoortarnera ataatsimut katillugit ukiumut agguaqatigiisitsinikkut qanoq aningaasanik amerlatigisunik atuiffiusarpa/ annaasaqaataasarpa ?
2. Kiaap atorreqanngitsoortarput atorluarneqarnerunissaa anguniarlugu naalakkersuisut qanoq pilersaaruteqarpat ?
3. Qaanaami nukissiorfimmi kiaap maangaannartinneqartussaangaluartup atorluarneqalersimanera aningaasannorlugu ukiumut agguaqatigiisitsinikkut qanoq naleqarpa ?

Tungavilersuut:

Naluneqanngilaq innaallagissiornermi olie atorlugu nukimmik pilersitsiviusuni amerlanerpaani kiammik pilersitsinermi kiak annertoorujussuaq atorreqanngitsoorluni, illua-tungaaticullu aamma taassuma kiaap nillusarneranut nukipparujussuit aningaasarpassuillu atorlugit kallerup inneranik pilersitsisoqartartoq.

Kiap atorreqanngitsoortartoq qulaani eqqartorneqartoq amerlanertigut annerusumik iluaqutigineqarani, allaallumi immikkut qaavatigut aningaasartuuteqarfigineqarluni silaannarmut "eqqarneqarpoq".

Pissutsit taamaannerat naammaginangilaq iluarsivigineqartariaqarlunilu. Qujanartumik illoqarfiit olie atorlugu innaallagissiorfillit tamarmik taamaangillat, tassa Qaanaami innaallagissiorfik, qularnangitsumik kisiartaalluni kiammik taamaattumik atorluaasutuaavoq, tassa kiap pineqartup – atunngitsuuinnangassaangaluartup, taavani pisortaasimasup imaluunniit pisortaasup suliniarluarneratigut, kiak pineqartoq aqqusersuinikkut inissianut assigisaannullu siammerterlugu atorlualersimammassuk, taamaaliornikkut qularnangitsumik olie-mik atugassaraluamik sipaaruteqarnermik kinguneqartumik.

Partii Naleqqamiit isumaqarpugut suliniutit taamaattut nersualaarlugillu
tapersersortariaqarivut.

Aamma isumaqarpugut sinerissap sinnerani olie-mik atuiffiusuni nukissiuuteqarfinni
Qaanaamituut atorluarneq anguniarlugu iliuuseqartariaqartugut.

Apeqqutip ullut suliffiit qulit qaangiutinnginnerini akissuteqarfigineqarnissaa Partii
Naleqqamiit piumasaraarput.



**Anthon Frederiksen, Inatsisartuni ilaasortaq, Partii Naleraq
/-Maani**

Kissaq sinneruttartooq pillugu § 37 naapertorlugu apeqqummut akissut

Asasara Anthon Frederiksen

Innaallagissiorfinnit dieselitortunit pilersuineri kissap sinneruttup atorluarneqarnissaa pillugu apeqqutinnut qujanaq. Matuma kinguliani apeqqutitit ataasiakkaarlugit akissuteqarfigaakka.

1. Nukissiorfinni . olie-mik atuiffiunerusuni kiaap sipporuttup atorneqanngitsoortarnera ataatsimut katillugit ukiumut agguaqatigiisitsinikkut qanoq aningaasanik amerlatigisunik atuiffiusarpa/ annaasaqaataasarpa?

Akissut:

Ilisimatitsissutigisinnaavara, innaallagissiornermi kissap sipporuttartup, matuma kinguliani kissamik sinneruttumik taagukkama atorluarneqarnissaa sapinngisamik anguniartaratsigu.

2014-imi Nukissiorfiit innaallagissiorfinnit dieselitortunit kissap sinnera atorlugu kiassarnermi 54.000 MWh-nik pilersuisimapput. Tassunga assersuutitut ilisimatitsissutigineqarsinnaavoq, eqqakkanik ikuallaanermi akunnaallisarlugit 28.000 MWh-t pilersuutigineqarsimmata.

2014-imi innaallagissiorfinnit dieselitortunit kissap sinnera atorneqanngitsoq tamarmiusoq imatut naatsorsorneqarsinnaavoq:

Illoqarfinni kissap sinnera atorneqanngitsoq	33.200 MWh ¹
Nunaqarfinni kissap sinnera atorneqanngitsoq	23.100 MWh
Kissap sinnera atorneqanngitsoq katillugu	56.300 MWh

Kissap sinnera aningaasanngorlugu naatsorsorneqarsinnaasunngorlugu eqqortumik nalilerneqarnissaa ajornakusoorpoq. Kiassaat uuliatortoq atorlugu kissap taama

¹ Innaallagissiornermi kissap sinnerata atorneqanngitsup naatsorsorneqarsinnaanera nalominartoqarpoq. Naatsorsuineri illoqarfiit nunaqarfiillu Nukissiorfinnit pilersorneqartut kisimik ilaatinneqarput. Naatsorsuineri aamma dieseloliap, innaallagissiorfinnit dieselimik atuisunit atorneqartup 40 procentiata missaata innaallagissiornerup atorneqartarneranik, taamaaqataatalu, 40 procentiata missaata, kissamik pilersitsiviusarneranik isumaqarneq tunngavigineqarpoq. Siaruarterinermi annaasat ilaatinneqanngillat.

20-08-2015
Sags nr. 2015-7445
Akt. nr. 878754

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

annertutigisup tunisassiarineqarsinnaanera aallaavigineqarsinnaavoq, taamatut kissamik tunisassiorneq nalinginnaasumik kissap sinnera atorlugu kiassanermut taartaasinnaammat.

Nalileeriaaseq nassuiaatigineqartoq atorlugu kissaq sinneruttoq atorneqanngitsoq ukiumut 39 mio. koruunit missaannik naleqarpoq². Nalileeriaaserli taanna missiliuinerinnaavoq, aammalu teknologiimik nutaamik ikkussuinerlut, ingerlatsinerlut aserfallatsaaliuinerlut aningaasartuutit ilaatinneqanngillat. Sumiiffinni amerlasuuni kissap sinneranik isumalluutit atuinissaq ajornarpoq inuiaqatigiillu aningaasaqarnerat eqqarsaatigalugu iluanaarutaasinnaanani.

Kissap sinneranik atuisoqassappat, kissap sinneranik katersuisinnaasumik aammalu ungasianiit aqqusersuutit aqutitigalugit siaruarterisinnaasumik atortuliisoqartariaqarpoq. Ungasianiit kiassarnerlut aqqusersuutit sanaartorneq akisuujuvoq, kissarlu ungasinnerusumut assartorneqassappat ingerlanerani kissamik annaasaqartoqartussaavoq. Tamatuma kingunerisaanik sumiiffinni amerlasuuni, soorlu innaallagissiorfeqqamit kissap sinneranik killilimmik pilersitsisartumit, imaluunniit illut siammasippata, taamaalillunilu ungasissumut sanaartortoqassappat kissap sinneranik atuinissaq imminut akilersinnaanngilaq, ungasianiit kiassarnerlut aqqusersuutit akisuut sananeqartussaammata.

2. Kiaap atorneqanngitsoorfartup atorluarneqarnerunissaa anguniarlugu naalakkersuisut qanoq pilersaaruteqarpat?

Akissut:

Naalakkersuisut Nukissiorfiit kommunillu suleqatigalugit nukissiuuteqarnermi isumalluutitsinnik annertusaanissaq aalluppaat, tassanilu ilaatigut innaallagissiorfinnit diesellitortunit ikuallaavinnillu akilersinnaasunit kissap sinneranik atuinissaq ilaatinneqarpoq. Sanaartorfissagissaanernut iluarsaassinernullu atatillugu kissap sinneranik atuinissaq pingaartinneqartorujussuvoq.

Assersuutigalugu Nukissiorfiit illoqarfinni annerni ungasianiit kiassarnerlut nunap assinginik inaarsaapput. Tamatuma kingorna nunap assingi taakku kommunit ungasianiit kiassarnermik annertunerpaamik atuinissaq qulakkeerniarlugu, najukkanut pilersaarutit teknikkimut tunngasortaannik nutarterinerlut atorsinnaassavaat.

3. Qaanaami nukissiorfimmi kiaap maangaannartinneqartussaagaluartup atorluarneqalersimanera aningaasannorlugu ukiumut agguaqatigiisitsinikkut qanoq naleqarpa?

Akissut:

Qaanaami innaallagissiornermit kissap sinneranik ungasianiit kiassarnerlut aqqusersuutit aqutitigalugit kiassarnermik atuisoqarpoq, kisiannili aamma tamatuma saniatigut ungasianiit kiassarnerlut aqqusersuutitigut kissaq utertoq Qaanaami imermik pilersuinermi nilannik aatsitsinerlut atuisoqartarluni.

² Uuliamut literimut akisusooq 6,20 koruuniusooq aamma kiassaatiq uuliatortup atuisinnaassusiata 90%-iunera aallaavigalugu.

2014-imi Qaanaami kissap sinnera atorneqartoq 3.703 MWh-nik annertussuseqarpoq. Uulia atorlugu kissamik taama annertutigisumik tunisassiortoqartuuppat, Polaroil-ip maanna ikummatissamut akigititai tunngavigalugit ikummatissamut aningaasartuutitut 2,6 mio. koruunit missaat atorneqarsimassagaluarput. Taakkunangaanniit aningaasaliinermut kiisalu atortunik il.il. ingerlatsinermut aserfallatsaaliuinermullu aningaasartuutit ilanngaatigineqassapput.

Inussiarnersumik inuulluaqqusillunga

Mala Høy Kúko



Aasiaat 17. januar 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. Ilumoorpa Nukissiorfiup nukik pilersittagaa taamaallaat 60 %-ip missaannaa atorneqartartoq? Imatut paasillugu nukimmit pilersinneqartumit 40 %-missaa taamaallaat innaallagissiornermut atorneqartartoq, sinneralu atunngitsoorneqartarluni.
 - a. Taamassimangippat taava qassi % atorneqartarpa?
 - b. Sumik peqquteqarpa nukiup pilersinneqartup tamakkerlugu atorneqarsinnaanginneranut?
 - c. Nukik pilersinneqartoq atorneqanngitsoortorlu illoqarfinni erngup nukinganik nukissiorfilinni qanoq naleqarpa?
 - d. Nukik pilersinneqartoq atorneqanngitsoortorlu illoqarfinni ikummatissatortumik nukissiorfilinni qanoq naleqarpa?
2. Nukissiorfiup nukik pilersittagaa tamakkiisumik atorneqarsinnaangortinneqarnissaa pillugu Naalakkersuisut qanoq suliniuteqarpat?
3. Ilumoorpa nukik pilersinneqartoq atunngitsoorneqartoq kiassarnermut atorneqarsinnaagaluartoq?
 - a. Ilumoorsimappat tamanna qanoq atorneqarsinnaangortinneqarsinnaagaluarpa?
 - b. Nukiup pilersinneqartup atunngitsoortup kiassarnermut atorneqarsinnaanginneranut suna pissutaava?
 - c. Suna pisariaqarpa nukiup atunngitsoortup kiassarnermut atorneqarsinnaalersinneqarnissaanut?
4. Inuiaqatigiinnut qanoq naleqarpa nukiup pilersinneqartup maangaannartinneqartarneranut.
5. Nukik pilersinneqartoq maangaannartinneqartorli, kiassarnermut atorneqarsinnaalersinneqasagaluarpat tamanna imminut akilersinnaasutut Naalakkersuisut isigaat – nalilersinnaavaat?
6. Ilulissani, Qasigiannuni, Aasianni, Sisimiuni, Maniitsumi, Nuummi, Qaqortumilu nukik pilersinneqartoq atorneqanngitsoortorli kiassarnermut atorneqarsinnaalersinniarlugu attavilersuisoqassagaluarpat attavilersuineq qanoq naleqassagaluarpa?
 - a. Taamatut attavilersuineq siunissamut isigaluni imminut akilersinnaasutut Naalakkersuisut isumaqarpat?
 - b. Taamatut attavilersuineq ukiut qassit qaangiuppata imminut akilersinnaalissagaluarpa?

(Inatsisartuni ilaasortaq Peter Olsen, Inuit Ataqatigiit)

Tunngavilersuut

Nukissiuteqarnerup tungaatigut ilisimasaqartunit tusarlerneqartarpugut Nukissiorfiup nukiup pilersittagaaniit 60 %-it missaa taamaallaat atorneqartartoq.

Assersuutigalugu Aasiannimiatagooq Nukissiorfiup 100 literi olie atorlugu (pisiaralugu) nukimmik pilersitsiguni, taava 60 literi missaa taamaallaat innaallagissamik pilersitsinermut atortarpaa, sinneralu 40 liter atorneqanngitsoorluni igilnarneqartarpoq, maangaannartinneqartarluni.

Aamma paasivara taanna 40 liter sinneruttoq nukillu pilersinneqartoq atorneqanngitsoortorlu kiassarnermut atorneqarsinnaagaluartoq.

Assorsuaq ajuusaannarpoq tamanna ilumoorsimappat. Nukik pilersinneqartoq maangaannartinneqartorli iluatinnaraluassusia, iluatinnaraluannarani aamma inuiaqatigiinnut aningaasarpassuarnik tamanna naleqarsimassaaq.

Nukiup pilersinneqartup 40 %-it missaa maangaannartittarsimagutsigu tamanna inuiaqatigilinnut pitsaasuunngilaq - iluaqutaanngilaq aningaasanillu asuli eqqaaginnarnertut oqaatigineqartariaqarpoq. Aningaasarpassuarnik eqqaaneriinnartut oqaatigineqarsinnaappat, nukimmillu pilersitassaagaluartumik maangaannartitsinerusimappat, tamanna ajorluinarpog, akuersaarneqarsinnaanngilarlu.

Nukiup pilersinneqartup tamakkiisumik atorneqarsinnaalernissaa pillugu anguniagaqartuartaqarpugut, suliniuteqartuartaqarpugullu. Aporfiusinnaasullu tamaasa qulaajarlugillu nagguissioartaqarpagut atorluaalersinnaanissarput aqqutissiukkumallutigu.

Assersuutaasut Aasiannut tunngasut assersuutaannaapput apeqquteqaataasumut paasiuminarsaatitut.

Nukissiuteqarnerup tungaatigut ilisimasaqartut taamatut oqariartornerat ilumoorpa? Tunngavissaqarpa? Soqtiginartippara malersussallugu paasiniassallugulu.

Nukissiuteqarnerup tungaatigut ilisimasaqartut oqariartuutaat ilumoorsimassappata, taava qinikkatut pingaarutilimmik suliassaqarpugut anguniagassaqarpugullu. Nunarput nunattalu inui pillugit.

Taamaattumik taamatut tunngavilersuuteqarlunga matumuuna apeqquteqaatikka ingerlateqqippakka.

Kissaatigaaralu apeqquteqaatima ullut qulit qaanngiutinngit akineqarnissaa.



Indgået

27 JAN. 2017

Peter Olsen
Inatsisartunut ilaasortaq

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

Nukissiorfiit nukissamik tunisassiorneranni nukissap atorpeqangitsup atorluarneqar-
nissaa pillugu § 37 naapertorlugu apeqquteqaammut nr. 035/2017-imut akissuteqaat

26-01-2017
Sags nr. 2017 - 1725

Inatsisartut suleriaasianni § 37, imm. 1 naapertorlugu Nukissiorfiit nukissamik
tunisassiornerani nukissap atorpeqangitsup atorluarneqarnissaa pillugu
Naalakkersuisunut apeqquteqaammik saqqummiussivutit. Apeqquteqaat
suliassaqarfinni akissuteqarfigineqartussatut innersuunneqarpoq.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Ilumoorpa Nukissiorfiup nukik pilersittagaa taamaallaat 60 %-ip missaannaa
atorneqartartoq? Imatut paasillugu nukimmit pilersinneqartumit 40 %-missaa
taamaallaat innaallagissiornermut atorneqartartoq, sinneralu
atunngitsoorneqartarluni.

Nukissiorfiit nukissamik ujjartorneqartumik taamaallaat tunisassiorneqarpoq.
Taamaallilluni nukissap (inaallagiala aamma kiassarneq), Nukissiorfiit tunisassiaata
60 %-ia kisimi atorneqartartoq, uppersarsarneqarsinnaangilaq.

Innaallagissamik tunisassiorneq tamatigut maannakkut ujjartorneqartut
annertussuseqartarpoq. Nukissamik tunisassiornermi sumiluunniit kissamik
ingerlaannaq atorneqarsinnaangitsumik annaasaqarneq pisarpoq, taamaattumillu
piviusumik annaaneqartarluni. Tamatuma annertussusaa nukissiorfimmit
nukissiorfimmut nikerarpoq. Erngup nukinganik innaallagissiorfik pitsaanerpaamik
atorluaaviusarpoq.

Innaallagissiorfimmi dieselitortumi innaallagissamik tunisassiornermi suliap
ingerlanerani kissamik pilersitsisoqartarpoq. Tamatuma kingunerisaanik
ikummatissami nukissaq akuusoq, innaallagissiornermut 100 %-imik
atorluarneqarsinnaasangilaq. Dieselitortumik motoorilimmit kissaq
atorneqangitsaq – pujoorfikkoortoq gassi, imeq nillusaat il.il. – sapinngisamik
annertunerpaamik kissamik ingerlatitseqqittarfimmi saniatigut tunisassiatut
iluatinnaateqartut atorneqartussanngortinneqartarpoq, taannalu Nukissiorfiit,
tamanna ajornartinnagu ungasianniit kiassarnermut atortarjaa.

Innaallagissiorfinni dieselitortuni atorneqartut annertussusaa aallaaviatigut 40 %-ip
missaaniit arpoq. Motoorimi kissarnermi sinneruttumi nukissaq ungasianiit
kiassarnermut atorluarneqarsinnaappat, ikummatissami nukissaq suli
pitsaanerumik atorluarneqassaaq. Taamaallilluni atorneqartup annertussusaa

annertunerussaaq – innaallagissiorfiup pisoqaassusaa, pitsaassusaa il.il. apeqqutaalluni 80 % tikillugu. Kissamik pissarsiarineqarsinnaanngitsumik atorluarneqarsinnaanngitsumillu peqartuartaavoq. Tamatuma saniatigut pisut ilaanni ungasianiit kiassarnermik pilersuineramik pilersitsinissaq imminut akilersinnaasanngilaq, tassami ungasianiit kiassaateqarfinnik il.il. pilersitsinermit aningaasartuutit, kissamik atorineqanngitsumik atorluanaermit iluanaarutissanit annertunerusarmata.

Tamatuma saniatigut oqaatigineqassaaq, illoqarfinni erngup nukinganik innallagissiorfeqarfiusuni amerlanerit innaallagialaq aamma innaallagissamik kiassarnermik tunisassiornermit aamma atorineqarpoq. Erngup nukinganit innaallagissiorfimmil pisinnaasat innaallagissamik nalinginnaasumik ujjartorneqartumik tunisassiornermit tamakkiisumik atorluarneqarsinnaanngippata, tamanna periarfissaavoq. Sumiiffinni taakkunani innaallagissamik kiassarnermit atuinerup annertusitinnissaa iluaqutissartaqarpoq, taamaalilluni erngup nukinganik innaallagissiorfiit sapinngisamik pitsaanerpaamik atorluarneqassallutik.

a. Taamassimanngippat taava qassi % atorineqartarpa?

Innaallagissiorfiup atorluarneqarnerata annertussusaa qanoq annertutiginersoq, sumiiffimmit sumiiffimmut assigiinngilaq. Ataatsimut isigalugu oqaatigineqarsinnaavoq nukissiorfiit innaallagissamik aamma kiassarnermik atuisunut pilersuiffiusut, 80 % angullugu atorluarneqarnerat annertussuseqarmat. Innaallagissiorfiit, taamaallaat innaallagissamik tunisassiorlut, 40 %-ip missaanik atorluarneqarnera annertussuseqarpoq.

b. Sumik peqquteqarpa nukiup pilersinneqartup tamakkerlugu atorineqarsinnaannginneranut?

Matuma siuliani akissuteqaat aamma apeqquummut 2-imut akissuteqaat innersuussutigineqarput.

c. Nukik pilersinneqartoq atorineqanngitsoortorlu illoqarfinni erngup nukinganik nukissiorfilinni qanoq naleqarpa?

Matuma siuliani nassuiarneqartut innaallagialaq ujjartorneqartoq kisimi tunisassiarineqartarpoq. Kiassarnermit siunertanut erngup nukinga atorlugu innaallagissiornerup atorluarneqarnera pitsaanerulersinniarlugu siammarsarniarlugulu Nukissiorfiit suliniutinik annertunerusunik aallartitsivoq. Tamanna kommuninit najukkami allartitanut, kiisalu inuiaqatigiinnut avatangiisunut ataqatigiissaarinikkut pivoq.

d. Nukik pilersinneqartoq atorineqanngitsoortorlu illoqarfinni ikummatissartumik nukissiorfilinni qanoq naleqarpa?

Kiassarneq oqaatigineqartut innaallagissiornermit saniatigut tunisassiarineqarpoq. Kissaq iluaqutinngortinneqarsinnaappat iluaqutaavoq,

kisianni tamatuma tamakkiisumik ingerlannissaa periarfissaqanngilaq imminullu akilersinnaanani.

Kissap ungasianiit kiassarnermut atorreqarsinnaasup piviusumik nalinganut siusinnerusukkut missingersuusiortoqarsimanngilaq. § 37 naapertorlugu apeqquteqaammut nr. 2015_210-imut akissuteqaat innersuussutigineqarpoq. Taamaattoq erseqqissarneqassaaq, sumiiffinni amerlasuuni ungasianiit kiassarnermik pilersitsinerup inuiaqatigiinnut iluaqutaasussaanninnera, naatsorsuinermi tassani eqqarsaatigineqanngimmat, pissutigalugu aningaasaliinerit tamatumani aningaasaqarnikkut iluanaarutaasussanit amerlanerusussaammata. 39 mio. koruunit taaneqartut taakkua taamaalilluni inuiaqatigiinnut iluaqutaasinnaasunut takussutissaanngillat.

2. Nukissiorfiup nukik pilersitsitagaa tamakkiisumik atorreqarsinnaanngortinneqarnissaa pillugu Naalakkersuisut qanoq suliniuteqarpat?

Innaallagissiorfinnit kissap atorreqanngitsup atorluarneqarnissaa Nukissiorfiit annertuumik aalluppaat, ilanngullugu tamatuma kommunit ikuallaasarfiinit kissamik pilersinneqartumut ataqaqatigiissaakkamik pinissaa. Nukissiorfiit ingerlaavartumik ungasianiit kiassaateqarfinnik inerisaapput, sullitat ungasianiit kiassarnermut ilanngunnissamut kaammattortarlugit, kiisalu ikuallaasarfinnit kissamik atorluaanissaq pillugu kommunit suleqatigalugit.

Illoqarfinni ungasianiit kiassaateqarfinnik, inoqutigiinnik amerlasuunik ilaatsiviusumik pilersitsinissaq amerlanertigut imminut akilersinnaasarpooq. Nunaqarfinni pisut ilaanni tamanna imminut akilersinnaasannngilaq, pissutigalugu kissap atorreqanngitsup annertussusaa killeqartarmat, aammalu/imaluunniit inoqutigiit siamasissumik inissisimasarmata, ungasianiit kiassaateqarfinni aningaasaliinerit aningaasaqarnikkut iluaqutissartaqartaralik. Pisuni taakkunani illuutit anginerusut qanittumiittut, assersuutigalugu pisiniarfik imaluunniit illu sullivik, ungasianiit kiassarnermik pilersornissaat iluaqutissartaqarsinnaanersoq, Nukissiorfiit misissortarpaa.

Erngup nukingannik innaallagissiorfinni pisinnaasanik atorreqanngitsunik atorluaanissamut tunngatillugu, Nukissiorfiit innaallagissamik kiassarnermik atuinerup annertunerulersinnissaa aalluppaat – unnaavinnik innaallagiamoortunik qitiusumi pilersitsinikkut imaluunniit sullitat amerlanerusut innaallagissamik kiassarnermik atuisunngortinnerisigut.

3. Ilumoorpa nukik pilersinneqartoq atunngitsoorneqartoq kiassarnermut atorreqarsinnaagaluartoq?

a. Ilumoorsimappat tamanna qanoq atorreqarsinnaanngortinneqarsinnaagaluarpa?

- b. Nukiup pilersinneqartup atunngitsoortup kiassarnermut atorneqarsinnaannginneranut suna pissutaava?
- c. Suna pisariaqarpa nukiup atunngitsoortup kiassarnermut atorneqarsinnaalersinneqarnissaanut?

Apeqqummut 1-imut aamma 2-imut akissuteqaat innersuussutigineqarpoq.

Nukissiorfiit ullumikkut ungasianiit kiassarnermik aamma /imaluunniit innaallagissamik kiassarnermik sumiiffinni makkunani pilersuivoq: Nanortalik, Qaqortoq, Narsaq, Paamiut, Nuuk, Maniitsoq, Sisimiut, Aasiaat, Qasigiannuguit, Ilulissat, Uummannaq, Upernavik aamma Qaanaaq.

- 4. Inuiaqatigiinnut qanoq naleqarpa nukiup pilersinneqartup maangaannartinneqartarneranut?

Apeqqummut 1 d-imut akissuteqaat innersuussutigineqarpoq.

- 5. Nukik pilersinneqartoq maangaannartinneqartorli, kiassarnermut atorneqarsinnaalersinneqassagaluarpat tamanna imminut akilersinnaasutut Naalakkersuisut isigaat – nalilersinnaavaat?

Innaallagissiornermit kissap atorneqanngitsup, tamanna akilersinnaasimappat, ungasianiit kiassarnermut atorneqarnissaata qulakkeerneqarnissaa Naalakkersuisuni taamatullu Nukissiorfinni annertuumik pingaartinneqarpoq. ungasianiit kiassarnermik siammarterinissamut attaveqarnerni pisariaqartuni aningaasaliinissaq imminut akilersinnaanersoq aalajangiisoqartinnagu, sumiiffinni ataasiakkaani pissutsit ataasiakkaatigut nalilersorneqartarput. Aammattaq apeqqummut 2-imut akissuteqaat innersuussutigineqarpoq.


- 6. Ilulissani, Qasigiannuni, Aasianni, Sisimiuni, Maniitsumi, Nuummi, Qaqortumilu nukik pilersinneqartoq atorneqanngitsoortorli kiassarnermut atorneqarsinnaalersinniarlugu attavilersuisoqassagaluarpat attavilersuineq qanoq naleqassagaluarpa?

- a. Taamatut attavilersuineq siunissamut isigaluni imminut akilersinnaasutut Naalakkersuisut isumaqarpat?
- b. Taamatut attavilersuineq ukiut qassit qaanngiuppata imminut akilersinnaalissagaluarpa?

Illoqarfinni taaneqartuni ungasianiit kiassarneq aamma/imaluunniit inaallagissamik kiassarneq, atorneqarpoq. Ataatsimut isigalugu oqaatigineqarsinnaavoq illoqarfinni erngup nukinganik innaallagissiorfeqartuni kissamik maangaannartitsisoqartanngimmat, aammalu kissaq atorneqanngitsoq sapinngisamik illoqarfinni dieselitortumik innaallagissiorfeqartuni atorluarneqartamat. Naggasiutigalugu oqaatigineqassaaq, nukissiuuteqarnermut suliassaqarfimmut pilersaarutip suliarineqarnissaa Naalakkersuisut aallartimmassuk. Suliassap taassuma ilaa pingaaruteqartoq tassaassaaq, innaallagissiornermut atatillugu

kissap pilersinneqartup sapinngisamik pitsaanerpaamik atorluarneqarnissaata
qulakkeernissaa.

Inussiarnersumik inuulluaqqusillunga


Vittus Qujaukitsoq

INUIT ATAQATIGIIT

Inatsisartuni



Aasiaat 15. februar 2017

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

1. **§ 37 aqqutigalugu apeqquteqaat 2015-meersumi nr. 210-mi ima ilaatigut akissuteqartoqarsimavoq: "Assersuutigalugu Nukissiorfiit illoqarfinni annerni ungasianiit kiassernermut nunap assinganik inaarsaapput" Suliaq sumummita killippa? Nammassereerpa agguanneqareerlunilu?**
 - a. Naammassereerlunilu agguanneqareersimappat, taava qanoq atorreqarpa?
2. **§ 37 aqqutigalugu apeqquteqaammi 2017 nr. 035-mi ilaatigut ima akissuteqartoqarpoq apeqqut nr. 2-ip ataani: "Nukissiorfiit ingerlaavartumik ungasianiit kiassaateqarfinnik inerisaapput, sullitat ungasianiit kiassarnermut ilanngunnissaannut kaammartortarlugit, kiisalu ikuallaasarfinniit kissamik atorluanaanissaq pillugu kommunit suleqatigalugit" Taava apeqqut: Inerisaaneq sumut killippa?**
 - a. 2013-miit ullumikkumut nutaat ungasianiit kiassarneqalernissamut qassit attavilersorneqarpat?
3. **Ilulissani, Qasigiannuni, Aasianni, Sisimiuni, Maniitsumi, Nuummi, Qaqortumilu nukik pilersinneqartoq atorreqanngitsoortorli kiassarnermut atorreqarsinnaagaluartoq qanoq annertugiva? (Ungasianit kiassarnermut aammalu innaallagissamit kiassarnermut tunngasoq)**
4. **Illoqarfinni qulaani pineqartuni ungasianiit imaluunniit innaallagissamit kiassarnermut attavilersorneqarsimanngissuseq qanoq annertugiva? Illoqarfiup immikkoortua qanoq annertugisoq suli attavilersorneqarsimanngila?**
5. **Apeqqut 2-mi taamatut ullumikkut suli attavilersorneqarsimanngitsut attavilersorneqassagaluarpata taava attavilersuineq tamanna nunatta karsiarnut qanoq naleqassagaluarpa?**
6. **Taamatut attavilersuineq siunissamut isigaluni imminut akilersinnaasutut Naalakkersuisut isumaqarpat?**
7. **Taamatut attavilersuineq ukiut qassit qaanngiuppata imminut akilersinnaalissagaluarpa?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut

Nukiup pilersinneqartup tamakkiisumik atorreqarsinnaalernissaa pillugu anguniagaqartuartaqarpugut, suliniuteqartuartaqarpugullu. Aporfiusinnaasullu tamaasa qulaajarlugillu nagguissiortariaqarpagut atorluualersinnaanissarput aqqutissiukkumallutigu.

Tamanna ilaatigut siunertarialugu qanittukkut § 37 aqqutigalugu apeqquteqaateqarpunga apeqquteqaatigalugu akineqaqqammerpoq, apeqquteqaatigalugu normulerneqarsimalluni imatut: nr.035/2017.

Akissuteqaataasunut qujavunga. Taamattoq apeqqut nr. 6-imut tunngatillugu akissutigineqartoq naammaginangitsut isigaara.

Naatsumik oqaatigalugu akissutaasumi oqariartuutigineqarpoq illoqarfinni qulaani pineqartuni taamatut ungasianit aammalu innaallagissamit kiassarneq atorineqartoq.

Tamanna eqqortortaqarpoq, kisianni aamma nalunngilarput illoqarfinni pineqartuni illoqarfiit immikoortortaasa ilaannaani taamaallaat taamatut periarfissaqartoqartoq, illoqarfiillu immikoortuisa ilarujussuani ungasianiit innaallagissamiillu kiassarneqarnissamut periarfissaqartoqanngitsoq, attavilersuisoqarsimannginnera pissutaalluni.

Akissuteqaat siulleq ersarluppoq, taamaattumik sukumiinerusumik - ersarinnerusumillu akissuteqartoqarnissa siunertarialugu matumuuna apeqquteqaammik nassiusseqqippunga.

Illoqarfinni qulaani pineqartuni, ullumikkut taamatut suli attavilersorneqarsimanngissuseq qanoq annertuginersoq, attavilersuisoqassappallu qanoq nunatta karsianut qanoq naleqassanersoq paaserusuppara.

Taamatut tunngavilersuuteqarlunga matumuuna apeqquteqaatika ingerlateqqippakka.

Kissaatigaaralu apeqquteqaatima ullut qulit qaanngiutinnagit akineqarnissaa.



Peter Olsen
Inatsisartuni ilaasortaq

§ 37 naapertorlugu apeqqutinut nr. 2017/087 ungasianiit kiassaanermut aamma ungasianiit kiassaanermut nunap assingi pillugit akissut

02-03-2017
Sags nr. 2017-3602

Inatsisartut suleriaasianni § 37, stk. 1 naapertorlugu ungasianiit kiassaanermut aamma ungasianiit kiassaanermut nunap assingi pillugit apeqquteqarputit. Apeqqutit uanga susassa qarfinnut akissassanngortinneqarsimapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. § 37 aqqutigalugu apeqquteqaat 2015-meersumi nr. 210-mi ima ilaatigut akissuteqartoqarsimavoq: "Assersuutigalugu Nukissiorfiit illoqarfinni annerni ungasianiit kiassaanermut nunap assinganik inaarsaapput" Suliaq sumummita killippa? Nammassereerpa agguanneqareerlunilu?
 - a. Naammassereerlunilu agguanneqareersimappat, taava qanoq atorpeqarpa?

Akissut:

Nukissiorfiit assinik suliaqartarput kiassarnissamut periarfissanik takutitsisunik, illoqarfinni anginerusuni ungasissumiit kiassaasoqarsinnaanersoq, innaallagissamit aalajangersimasumik kiassaasoqarsinnaanersoq aamma innaallagissamit kiassaanermik unitsinneqarsinnaasumik sumi peqarnerseq pillugu. Ungasissumiit kiassaanermut nunap assingi taamaattut Nukissiorfiit iluanni ulluinnarni atorpeqartuupput, assersuutigalugu sullitaniit saaffiginnittoqaraangat akissutini, Nukissiorfiit ingerlatsineranni kiassaariaatsit suut sumiiffinni qanoq ittuni neqeroorutigineqartanersut pillugit. Tamatuma saniatigut assit taakkua atorpeqartarput nammineq pilersarusiornermi kiassaanermik atortunik taarsiisarnerni annertusaasarnernilu.

Assit aamma soqutiginarsinnaapput avataani suleqatigisanut, soorlu sullitanut namminersortunut, kommuninut aamma suliffeqarfinnut. Taamaattumillu assit taakkua Nukissiorfiit quppersagaanni takuneqarsinnaalissapput, suliarineqarnerisa ilutigisaanik uani: <https://www.nukissiorfiit.gl/business-relations/fjernvarme/opvarmning-nuuk/?lang=da>

Killiffik tassaavoq assit Nuummut, Ilulissanut, Qaqortumut, Aasiannut, Qasigiannuanut aamma Sisimiunut tamanut takusassiarineqalereereri. Ingerlaavartumillu malinnaatitsisoqarpoq, nunap assingilu paasissutissani tatiginartunik katersineq ilutigalugu paasissutissanik immerneqartarlutik.

2. § 37 aqqutigalugu apeqquteqaammi 2017 nr. 035-mi ilaatigut ima akissuteqartoqarpoq apeqqut nr. 2-ip ataani: "Nukissiorfiit ingerlaavartumik ungasianiit kiassaateqarfinnik inerisaapput, sullitat ungasianiit kiassaanermut ilanngunnissaannut kaammartortarlugit, kiisalu ikualaasarfinniit kissamik atorluannissaq pillugu kommunit suleqatigalugit" Taava apeqqut: Inerisaaneq

**sumut killippa? a. 2013-miit ullumikkumut nutaat ungasianiit
kiassarneqalernissamut qassit attavilersorneqarpat?**

Akissut:

Nukissiorfinni sulii pingaartilluinnarlugu nalilersorneqarpoq qularnaassallugu kiaap sinneruttup innaallagissiornermiit aamma ikullaavinni ikullaanermiit pitsaanerpaamik iluaqutigineqarnissaa, aammalu erngup nukinganit nukissiuuteqarfinni nukik sinneruttoq innaallagialu atorlugu kiassaanermit iluaqutigineqassasoq. Nukissiorfiit ukiut tamaasa malunnaatilinnik annertuunillu aningaasaliissuteqartarput ungasissumiit kiassaanerup aamma innaallagissap kiassaanermit iluaqutigineqarneri annertusarniarlugit.

Nukissiorfiit ukiuni kingullerni pingasuni katillugit 33,5 mio. kr.-nik aningaasaliissuteqarput ungasissumiit kiassaanermit attaveqaatinut. Taakkua tassaapput Qaqortumi 5 mio. kr.-t Nuummi 16 mio. kr.-t, Maniitsumi 1,3 mio. kr.-t, Sisimiuni 9 mio. kr.-t aamma Aasianni 2,1 mio. kr.-nik aningaasaliinerit. Piffissami matumani nutaanik aningaasaliissuteqarpoq ungasissumiit kiassaanermit ataatsimut 43 mio. kr.-t missaannik annertussuseqartunik. Nukissiorfiillu naatsorsuutigaaq suliniutit piffissami pilersaarutaasumi naammassineqarnissaat.

Innaallagissamik kiassaanermit atatillugu aningaasaliisoqarpoq innaallagissap aqquataasa nukittunerulersinnissaannut, tasaanilu ilaatigut qularnaarniarneqarluni sullitat amerlanerusut innaallagissamit kiassaanermit unitsinneqarsinnaasumik neqeroorfigineqarnissaat. Ilulissani erngup nukinganik nukissiuuteqarfimmu atatillugu assersuutigalugu 60 mio. kr.-nik aningaasaliisoqarpoq innaallagissap aqquataanut aamma innaallagialu atorlugu kissaassutinut. Nuummi pilersinneqarnikuuvoq 60 kV-net 160 mio. kr.-t missaat atorlugit, Qorlortorsuarmilu imermik nukissiornermit atugassamik ungalut annertusineqarnerisigut Narsami aningaasaliisoqarpoq 30 mio. kr.-t missaannik innaallagissap aqquataanut innaallagissamik kiassakkat amerlineqarsinnaanerannut atasumik.

Ungasissumiit kiassarneqartut sullitat malunnaatilinnik amerleriarsimapput. Januar 2017-imi Nukissiorfiit akiligassiisutinik fakturanik ungasissumiit kiassaanermit 1800 -nik nassiussipput. Januar 2013-imi kisitsisit taakkua 1300-ut missaanniipput. Ungasissumiit kiassarneqartut sullitat amerleriaataat annerpaat Nuummi aamma Maniitsumi pisimapput, taakkunanik ungasissumik kiassaanermit akiligassiisutit 450-it missaannik aamma 50-inik piffissami amerleriarsimammata. Kisitsisit taamaallaat ungasissumiit kiassakkanut tunngasuupput, innaallagissamik kiassakkat ilanngunnagit. Ilanngullugulu oqaatigineqassaaq kisitsisit illunik ungasissumiit kiassakkanik tamakkiisumik ersersitsinngitsut. Tamatumani pissutaavoq Nukissiorfiit blokkinut arlalinnut atatillugu ataatsimoortumik akiligassiisarmata, inissiaatileqatigiillu akiligassiisutinik suliareqqiisarlutik inissiani inigisanut ataasiakkaanut.

3. Ilulissani, Qasigiannuni, Aasianni, Sisimiuni, Maniitsumi, Nuummi, Qaqortumilu nukik pilersinneqartoq atorneqanngitsoortorli kiassarnermut atorneqarsinnaagaluartoq qanoq annertugiva? (Ungasianit kiassarnermut aammalu innaallagissamit kiassarnermut tunngasoq)

Akissut:

Ataani tabelimi ersippoq illoqarfinni pineqartuni periarfissat qanoq ittuunersut, innaallagissiornermiit aamma ikuallaavinnit, kiisalu erngup nukinganit nukissiuuteqarfinniit innaallagissap sinneruttup innaallagissamit kiammik suliaqarnermut aaqqissuussisinaanermi. Nalilersuinermi tunngavigineqarsimavoq annertussuseq taamaallaat iluaqutigineqassasoq pilersuisussaataitanermut unammilligassanik pilersitsiviunngitsumik.

Illoqarfik	Ungasissumiit kiassaaneq/kiak sinneruttoq	Innaallagissamik kiassaaneq matuneqarsinnaasoq
Ilulissat	Kiak sinneruttoq iluaqutigineqarpoq	5-12 MW
Qasigiannugit	Iluaqutigineqartoq 0,5 MW -ip missaani	Erngup nukiliorfeqanngilaq
Aasiaat	Kiak sinneruttoq iluaqutigineqarpoq	Erngup nukiliorfeqanngilaq
Sisimiut	Kiak sinneruttoq iluaqutigineqarpoq	Kiammik iluaqutigineqanngitsumik soqanngilaq
Maniitsoq	Kiak sinneruttut pitsaanerpaamik iluaqutigineqarpoq. Eqqakkanut ikuallaaveqarmat aasap qaammataani iluaqutigineqartumik peqarpoq 0,5 MW-imik.	Erngup nukiliorfeqanngilaq
Nuuk	Suliniutunik pilersaarusiortoqarpoq ikuallaavimmiit kiaap iluaqutigineqanngitsup atorneqalernissaanut. Tamannalu pissaaq Nuussuup aamma Nuup ungasissumiit kiassaarnermut atortorissaarutaasa ataatsimut aaqqissuunnerisigut.	Aasap qaammataani iluaqutigineqanngitsaq 15 MW
Qaqortoq	Kiak sinneruttoq iluaqutigineqarpoq	Maanna iluaqutigineqanngitsumik soqanngilaq. Imerkik nukissiornermi atugassamik katersiviup annertunerulersinneratigut nukimmik annerusumik peqalersinnaavoq innaallagissap kiammik nioqqutissiornermi illoqarfimmi

		atornissaanut periarfissiisumik.
--	--	-------------------------------------

4. Illoqarfinni qulaani pineqartuni ungasianiit imaluunniit innaallagissamit kiassarnermut attavilersorneqarsimangissuseq qanoq annertugiva?
Illoqarfiup immikkoortua qanoq annertugisoq sulii
attavilersorneqarsimangila?

Akissut:

Ataani tabelimi ersipput missingersuusat ungasissumiit kiassarnermut aamma innaallagissamik kiassanermut illoqarfinni pineqartuni. Tabeli Nukissiorfiit januarimi 2017 akiligassiisutininik fakturanik suliaqarneranneerpoq. Soorlu apeqquummut 2-mut akissummi eqqaaneqartoq kisitsisit illukkaartumik ersersitsinngillat. Tamatumani ilaatigut pissutaavoq Nukissiorfiit blokkinut arlalinnut atatillugu ataatsimoortumik akiligassiisarmata, inissiaatileqatigiillu akiligassiisutininik suliareqqiisarlutik inissiani inigisanut ataasiakkaanut.

By	Illut 2017-imi Naatsorsueqqis- saartarfik naaper- torlugu	Ungasissumiit kiassakkat amerlassusaat	Innaallagissamik kiassakkat
Ilulissat	1736	85	36
Qasigiannugit	446	25	-
Aasiaat	1335	35	-
Sisimiut	2179	77	36
Maniitsoq	991	125	-
Nuuk	7381	1207	2590
Qaqortoq	1294	151	1

5. Apeqquut 2-mi taamatut ullumikkut sulii attavilersorneqarsimangitsut attavilersorneqassagaluarpata taava attavilersuineq tamanna nunatta karsiarnut qanoq naleqassagaluarpa?

Nukissiorfiit ingerlaavartumik suliniutip imminut akilersinnaassusia nalilersortarpaat, ungasissumiit kiassakkat aamma innaallagiq atorlugit kiassakkat ilaqqissinnaanerit atatillugu. Ataatsimoortumik nalilersuinermit soqanngilaq periarfissanik iluaquteqarnermut atatillugu apeqquummi 2-mi eqqaaneqartutut.

Nukissiorfiit assersuutitut pingaarnertut aningaasartuutininik nalilersuinermit suliaqarsimapput ilulissani, Nuummi aamma Narsami illoqatigiiaat ullumikkut ungasissumiit kiassagaangitsut imaluunniit innaallagissamik kiassagaangitsut eqqarsaatigalugit. Naatsorsuinerit taakkua naapertorlugit pisariaqassaaq aningaasaliinissaq illoqarfinni taakkunani pingasuni 100 mio. kr.-t missaannik. Oqaatigineqassaarlu ungasissumiit kiassanermut ilannguttarneq ilaannakuusumik

atuisunit akilerneqartarmat, naatsorsorneqartarlunilu atuinissamut missingersuutit aamma pilersitsinermi aningaasartuutit tunngavigalugit. 100 mio. kr.-nit eqqaaneqartunit 80 mio. kr.-t missaat sullitanit nutaanit akilerneqassasut, sinnerilu 20 mio. kr.-t Nukissiorfinnit. Naatsorsuutaasarpog akilersuisarneq ukiunik 5-inik sivissusilik. Suliniutit ataasiakkaat nalilersoqqinneqaaqqartarput aalajangertoqannginnerani piviusunngortinneqassanersut.

6. Taamatut attavilersuineq siuinissamut isigaluni imminut akilersinnaasutut Naalakkersuisut isumaqarpat?

Akissut:

Apeqquummut 5-imut akissummut innersuussisoqassaaq. Nukissiorfiit suliniutinik piviusunngortitsisarput suliniutit pineqartut imminut akilersinnaaneri erseraangata, pissutsillu allat piviusunngortitsinnginnissamik ersersitsinngikkaangata.

7. Taamatut attavilersuineq ukiut qassit qaanngiuppata imminut akilersinnaalissagaluarpa?

Akissut:

Apeqqutinut 5 aamma 6-imut akissutinut innersuussisoqassaaq. Nukissiorfiit ungasissumiit kiassaanermut aqqutinik nalikilliliisarnerat ukiunik 25-nik sivissusiligaasarpog. Siuliani eqqaaneqartutut aningaasartuutinik naatsorsuinerugallartut takutippaat Ilulissani, Nuummi aamma Narsami utertitsilluni akilersuineq ukiut 5-it inorlugit sivissususeqartartoq.

Inussiarnersumik inuulluaqqusillunga

Med venlig hilsen



Vittus Qujaukitsoq



Ilanngussaq Bilag 2

Sanaartornermik ataatsimiititaliaq

Illassutitut paasissutissat UA2017/183-ip suliarinerani

18-05-2017
Sags nr. 2017 - 8664

UA2017/183-ip siullermeerlugu suliarinera nangillugu, ilaatigut siunnersuutip naammassineqarnissaanut iluaqutaasinnaasut ajoqutaasinnaasullu naliliiffigineqarnissaat kissaatigineqarluni aammalu aningaasartuutit tassunga attuumassuteqartut erseqqissarneqassasut, naleqqutsippara illassutitut paasissutissat saqqummiutissallugit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

Naluneqanngitsut UA2016/053-ip suliarinerata nanginnerani illassutitut nalunaarusiortoqarpoq, piffissalersuineramik imaqartumik, qaqugu nunatsinni kiassaateqarfiit tamarmik Nukissiorfinnut tunniunneqarnissaat pillugit, INI A/S-imiit, aammalu Namminersorlutik Oqartussat ineqarnermut immikkoortortaqarfianiit, Mittarfeqarfinniit il.il.. Pissutsit assingiingitsut pissutaallutik piffissaliunneqartup iluani periarfissaqartoqarsimangilaq paasissutissanik aammalu qanoq issutsinik naliliineramik suliaqarnissanut kiassaateqarfinnut pineqartunut tunngatillugu. Taamaattumik pissarsiarineqartut aammalu nalunaarusiamut paasissutissatut atorneqartut kiassaateqarfinnut atorneqartunut maannakkut piginnittuniittunut/atuisuniittunut nalunaarsugaanngilaq tamakkiisoq. Tamatuma saniatigut anlæg-it qanoq innerisa tamakkiisumik nalilersornissaannut periarfissaqarsimangilaq.

Erseqqissarusuppara, anlæg-it qanoq innerisa nalilersornissaat pisariaqavimmat Nukissiorfimmu tunniussinermi aningaasaqarnikkut kingunerisassaasa nalilersornissaannut. Assersuutitut taaneqarsinnaavoq kiassaatip igartaata aamma/imaluunniit kiassaateqarfiup taarserneranut mio. kr.-nerpaalunnik naleqarsinnaammat – angissusaat apeqqutaatillugu.

Isumaqatigaara, iluarsiisoqassasoq ullumikkornit innuttaasunut aningaasatigut ajorseriaataanngitsumik, tamatumunnga ilanngullugit sullissineq aammalu kiassarnermi akit pitsaannginnerulissanngitsut.

Nukissiorfiit paasissutissiissutigaat, 1. januar 2018 aallarnerfigalugu kiassaateqarfiit malittariitsumik tunniunneqartuuppata naleqqunnerussasoq aammalu anlæg-it elektrokedle-nit kiassarneqartut siulliunneqartariaqartut. Taanna ilutigalugu ingerlaavartumik anlæg-it allat qanoq issusaat nalilersorneqassapput – maannakkut piginnittoq/atuisoq ataqatigiissaaqatigalugu tunniussisoqarnissaa siunertaralugu. Piffissaq tamatumunnga atugassaq ukiut 4 tungaannut sivilissuseqassaaq.

Mittarfeqarfinniit kiassaateqarfinnik tunniussinermut atatillugu Nukissiorfiit paasissutissiissutigaa, tamatumunnga atatillugu immikkut immikkoortortaqaarfiliortoqartariaqassasoq. Periarfissaaq alla, suliassaq avataani suliffeqarfinnut suliassanngortinneqarsinnaanera. Tamatumunnga atatillugu maluginiaqquneqarpoq, suliat Nukissiorfinnut tunniunneqarsinnaassanngimmata nukissanik amerlanerusunik tunniussisoqanngippat – aningaasat sulisullu.

Naggataatigut Nukissiorfiit paasissutissiissutigaa, maannakkut piginnittut/atuisut pineqartumut aningaasaliissutinut aammalu ingerlatsinermut aningaasartuutitut atorsimaneraat aamma/imaluunniit missingersuutigisimaneraat paasineqarsinnaasimanngimmat. Taamaattumik imaassinnaavoq Nukissiorfiit pilersuisussaataitanermut piunnaasaqataasa naammassinnaat anguniarlugu kiassaateqarfiit annertuumik aningaasaliisoqarnissaanik piunnaasartut. Taamaammatt ukiut arlallit ingerlaneranni malittariitsumik tunniussineq aaqqiissutaassaaq pitsaanerpaaq.

Iluatsilluartumik tunniussuinissaq angorusullugu Nukissiorfiit pisariaqarsoraat maannakkut piginnittut/atuisut kiassaateqarfiit maannakkut atuuttut pillugit tamakkiisumik nalunaarsuinissaannik aammalu qanoq issutsinik nalunaarsuornissaannik piunnaaffigineqassasut. Nalunaarsuineq taamaattoq 2017 naatinnagu Nukissiorfinnut tunniunneqarsinnaasariaqarpoq.

Neriutigaara, Sanaartornermut ataatsimiititaliap paasissutissat qulaani taaneqartut siunnersuummik suliaqarnermini ilanngukkumaarai.

Inussiarnersumik inuulluaqqusillunga


Hans Enoksen